

## **Ukanikorongi Ubana a Asu u Aza a Kolosi**

### *Ukukpa u kadyanshi*

Atoni a da a'ari a Kolosi a da Bulus koronki ukanikorongi u na vi cina eyi a kuwa ku a'ali. Bulus da gitai kuwa ku Atoni ku na ki wa. U taɓa gbam ukyawan asu vi wa. Reve da u revei n Atoni yi an Abafara yanka yi alabari. Abafara Katoni ka ka wutai a Kolosi ka kpam wari kaɓolo n Bulus a kuwa ku a'ali.

Atoni a da a'ari a Kolosi a'ari a gita de utono uwenishike u da bawu u gain. A'ari a ka ciga a bishinka kaci ka le uciga u ili u kateshe, kpam a ka ciga a lyasaka atsumate a zuba kayala n ucira u kulu kau-kau. Koronku da Bulus koronku le tsara u tonuko le ukuna u nala vi ugan wa. Ciga da wa ciga u tonuko le ko ndya baci vuma wa ciga, Kawauwi ka naka yi ta i'ya. U todugbuso ta a kaci ka tyoku da Kashila n Kawauwi a ka banga Atoni.

Nala dem gogo-na, Kawauwi ka naka ta gba ili i'ya vuma wa ciga adama a da wa lyaka Kashila kayala. Tagarada u na u todugbuso ta gba ili i na yi.

### *Ili i'ya i'ari a tagarada u na vi*

Idyani (1:1-2)

Kavasu ka ucikpa (1:3-8)

Vuma n manyan ma Kawauwi (1:9-2:19)

Uma u savu n Kawauwi (2:20-4:6)

Idyani i makorishi (4:7-18)

<sup>1</sup> Mpa Bulus, Kashilā ka ka cigai ka dāngasa mu n woko kasuki ka Yesu Kirisiti Kawauwi. Timoti wā tā pini na kabolo nā mpa, eyi utoku u tsunu u dā.

<sup>2</sup> Atoni a dā a'ari a Kolosi a dā ma koronku. Atoku a tsunu a dā kpam a ka tono tā Kawauwi mai.

Asakā Kashilā Tata u tsunu u nākā dā ukuna u shinga nā ndishi n shinga.

### *Kavasū ka ucikpa*

<sup>3</sup> Tsu tsu yansaka dā tā kavasū maco, kpam tsu nākā Kashilā Tata u Asheku a tsunu Yesu Kawauwi ucikpa.

<sup>4</sup> Ili i'ya i zuwai tani i'ya tsu pana tā a da i pityanangu tā n Yesu Kawauwi kpam tsu pana tā a da ya ciga tā ama a Kashilā gbā.

<sup>5</sup> I tsarā tā upityanangu n uciga u nala vi adama a uzuwa u uma u dē, kpam Kashilā ka zuwuka dā tā ili i'ya i zuwukai uma vi a zuba, a asu u dā bawu ya wene i'ya gogo-na. I rotsongusu tā uzuwa u uma u nala vi a'ayin a dā i panai akani a ukuna u mayun, Kadyanshi ka Shinga ka a tonuko dā.

<sup>6</sup> Kadyanshi ka Shinga ka nala ki ka savaḍa tā uma u dē, tun kain ka i panai ka a kagita, dā Kashilā ka wenikei ukuna u shinga u ne a asu u aza a unyushi u cingi. Gogo-na Kadyanshi ka Shinga ka nala ki ka tambura dē ko nte wa a likimba. Tyoku dā ka savaḍai uma u dē, nala dem ka savaḍai uma u aza roku.

<sup>7</sup> Abafara utoku u manyan u tsunu u dā, kpam tsa ciga yi tā cika. Aya uza dā u tuko dā Kadyanshi ka Shinga. U gbashika tā Kawauwi mai tyoku u katsumate ka tsunu a asu u dē.

<sup>8</sup> Aya uza da u tonuko tsu tyoku da Kulu Keri ku naka da uciga u pige u ama.

<sup>9</sup> Adama a nala tsu tsu rongo da ta uyansaka kavasu. Tsu yan ta nala tun kain ka tsu gitai tsu panai ukuna u de, kpm tsu asaka uyanka da kavasu wa. Tsu folo ta Kashila ka naka da gba ureve u ili i'ya wa ciga i yain a atakasuvu a de, kpm tsu folo yi ta u naka da ugboji a ukuna u kulu.

<sup>10</sup> Nala baci ya rongo ya naka ta Asheku tsupige maco, kpm wa yan ta mazanga n ada. I rongo umatsasa ilimaci a asu u uyansa ili i shinga, kpm i rongo uwenike uciga a asu u atoku. Ya yansa baci nala, ya gbonguro ta kpm i rongo ureve u Kashila.

<sup>11</sup> Tsu yan ta dem kavasu Asheku a naka da ugbami u asuvu n ucira u tsupige u ne tsara i tsara ahankuri n akawunki, kotsu i wowo wa. Asaka u shadangu da n mazanga.

<sup>12</sup> Tsa ciga da ta i rongo ucikpusa Tata maco. U zuwa da ta i wushi kapashi a ili i'ya i'ari i ama a ne a tsugono tsu katyashi tsu ne.

<sup>13</sup> U wusa tsu ta a asu u uza da wa lya tsugono tsu karimbi tsu na, aku u tuko tsu a tsugono tsu Maku ma ne uza da wa ciga cika.

<sup>14</sup> Kashila ka tsila ta utsara u kaci u tsunu na mpasa n Maku ma ne, nala kpm u cimbusuka tsu unyushi u cingi u tsunu.

### *Kawauwi ka la ta ko ya wa*

<sup>15</sup> Kawauwi ka ka wenike tsu tyoku da Kashila kari derere, ko an u wokoi ama a ka wene Kashila n a'eshi a le wa. Aya Maku ma kagita ma Kashila

kpam wā tā n tsugono tsu ili i'ya Kashilā ka yain gba.

<sup>16</sup> Kpaci Kashilā ka yan tā ili gba a asu u ne. Kawauwi ka ka yain ili i'ya i'ari a zuba n gba ili i'ya i'ari a likimba. U yain gba ili i'ya tsa wene, u yain kpam ili i'ya bawu tsa fuda tsa wene. U yain kpam gba icun i tsugono na ngono n ucira kau-kau u da bawu tsa fuda tsa wene. Mayun da Maku ma Kashilā ma yain ili dem gba tsara ili dem i naka yi tsupige.

<sup>17</sup> Wā tā pini tun kahu a yain ili gba, kpam aya uza da u zuwai ili dem i rongo mai.

<sup>18</sup> Kawauwi aya kaci ka kuwa ku Atoni, Atoni kpam alya ikyamba i ne. Aya uza da u gitai kuwa ku Atoni kpam aya uza u kagita u da Kashilā ka 'yangasai a ukpa u gonuko yi n uma. Adama a nala, aya kaci ka ili dem.

<sup>19</sup> Kashilā ka wenei u lobono tā gba ili i'ya i'ari ara ne, i yain dem a asu u Kawauwi ki,

<sup>20</sup> kpam Kashilā ka wenei u lobono tā u zuwa ko ndya wa a zuba n likimba i woko ili i maci ara ne a asu u Kawauwi. Mpasa n Yesu n da n tukoi ndishi n shinga n Kashilā, an a zuwai mpasa mi n tsalai a'ayin a da wari a mawandamgbani.

<sup>21</sup> Kahu nala vi, i'ari i yan tā mbari n Kashilā. Eda atokulalu a ne a da i'ari, kpam uyawunsa u cingi n manyan ma cingi ma de ma pecene da de n eyi.

<sup>22</sup> Shegai gogo-na u gonuko da de aje a ne. U yan tā nala a asu u ikyamba i Maku ma ne, uza da u kuwai a mawandamgbani. Adama a nala, Yesu Kawauwi tuko da de a kapala ka Kashilā, kpam i woko de uwulukpi bawu ko unyushi u cingi u te,

kpam ko uza wa takpa ɗa n unyushi wa a'ayin a ɗa baci ya tuwa i shamgba a kapala ka ne.

<sup>23</sup> Shegai u kana ta i rongo uwushukusu n Kadyanshi ka Shinga kpam i shamkpa ka n ucira. Kotsu i asaka uzuwa u uma u da i wushai a'ayin a da i panai Kadyanshi ka Shinga ki wa. Kadyanshi ka Shinga ka nala ki a yan ta kubari ku ne a likimba gba, kpam mpa Bulus n woko ta kagbashi ka ucangasa akani yi.

### *Manyan ma Bulus*

<sup>24</sup> N yan ta mazanga an a zuwai n panai ikyamba adama a de. Ma pana ta ikyamba i ili i'ya dem i tuwa mu, kpam ko n nala n cina upana u ikyamba u da Kawauwi ka panai wa. Upana u ikyamba u nala vi u tuko ta ili i'ya i banga ikyamba i ne; wata, a'uwa a Atoni.

<sup>25</sup> Mpa gogo-na kagbashi ka Atoni ka kpaci Kashila ka zuwa mu ta n tonuko da tyoku da kadyanshi ka Kashila kari mayun.

<sup>26</sup> Kashila ka sokongu ta kadyanshi ki a asu u aza da a yain uma caupa, shegai gogo-na u wenike de afofi a ne a asu u ama a ne.

<sup>27</sup> Kashila ka wenike ta akani a ne adama a da wa ciga ta eda Awulawa i reve ikuna i shinga n i tsupige i ne. Ili i'ya a'ari a sokongi, shegai gogo-na a todugboi vi i'ya na: Kawauwi ka rongo ta a asuvu a de, kpam adama a nala i reve ta ya dusuku a tsupige tsu ne kaɓolo.

<sup>28</sup> Adama a nala a da tsa tonusuko ama ukuna u Kawauwi ko nte baci tsu banai. Tsu rono le ta atsuvu kpam tsu wenishike le ta. Tsu yan ta manyan n gba ugboji u da Kashila ka naka tsu, kpaci tsa ciga ta aza da a bolomgbonoi n Kawauwi

a woko tyoku da a gain a woko a gawunsa baci n Kashila.

<sup>29</sup> N yan ta manyan cika tsara ili i na yi i gita, kpam n pityanangu ta n ucira u Kawauwi u da wa yan manyan a asuvu a va.

## 2

<sup>1</sup> Ma ciga ta i reve tyoku da mari kumodu adama a de, n adama a Atoni a da a'ari a Lawudukiya, kpam n Atoni a da bawu kotsu a gawunsai na mpa.

<sup>2</sup> N yan ta nala tsara n gbamatangu le kpam n bolomgbono le n uciga. Nala wa zuwa le ta a tsara ili i shinga ushani i'ya ya tuwa a asu u ureve u ili i usokongi i Kashila i nala yi gba. Kadyanshi ka Kawauwi ka ma dansa.

<sup>3</sup> Aya uza da wa bana gba kuzuwate ku kakiri n ureve u da bawu tsa wene vi.

<sup>4</sup> N tonuko da ta ili i na yi tsara ko uza u fuda u yinsa da n ugboji wa kpam u nanamgbana n ada wa.

<sup>5</sup> Ko an u wokoi ma ta mbari n ada, katakasuvu ka va ka ta ara de. Kpam ma ta n mazanga adama a da ya rongo tyoku da u gain i rongo kpam adama a da i'ari n upityanangu u ucira n Kawauwi.

### *Yesu tuko ta uma u maci*

<sup>6</sup> Gogo-na an i wushuki n Yesu Kawauwi u wokoi Asheku a de, lyayi kelime n utono u ne.

<sup>7</sup> Zuwai alu a de a asu u ne kpam i gbonguro a asuvu a le. Nala upityanangu u de wa tsara kami ka ugbami, dere tyoku da a wenishike da. Kpam adama a nala dem ya cikpa ta cika.

<sup>8</sup> Kotsu i asaka ko uza u kana da n kananamgbani ka gbani wa. Kananamgbani ka nala ki ka

yan ta yavu ka ugboji ka, shegai uwenishike u vuma da koshi. A ucira u likimba u na u da uwenishike u nala vi u wutai shegai a asu u Kawauwi u da wa.

<sup>9</sup> Gba ili i Kashila i'a ta a asuvu a Kawauwi.

<sup>10</sup> I'a ta kabolo n eyi. Adama a nala, gba ili i na yi i'a ta a asuvu a de, kpm wa lya ta tsugono tsu ucira kau-kau n ucira u tsugono gba.

<sup>11</sup> An i tuwai a asu u Kawauwi u kida da ta acombi a asuvu a kulu, shegai ukida u vuma u da wa. Ili i'ya Kawauwi ka yain i'ya u kida ta ahali a unyushi u cingi a de.

<sup>12</sup> An a lyubugu da, a cidangu da ta kabolo n Kawauwi. Aku a 'yangasa da n uma adama a da i'ari n upityanangu a asuvu a ucira u Kashila, uza da u 'yangasai Kawauwi a ukpa.

<sup>13</sup> Akushe a da i'ari adama a da i'ari n unyushi u cingi, kpm i'a n utsara u kaci a ucira u unyushi u atakasuvu a de wa. Shegai Kashila ka zuwa da ta i rongo a asuvu a Kawauwi. U cimbusuka tsu de unyushi u tsunu gba.

<sup>14</sup> Unyushi u tsunu u da pini ushani ukorongi, kpm ili i'ya a korongi vi i shamkpa tsu ta. Shegai Kashila ka cimbusa ta i'ya, u bidyai i'ya u wacinsai i'ya a asu u da u zuwai a varai i'ya a mawandamgbani ma Kawauwi.

<sup>15</sup> A ure u nala vi u da Kashila ka takpai ucira u tsugono a asuvu a ucira kau-kau n ucira u tsugono. U zuwa le a panai uwono a kapala ka ama, kpm u lyai kaci ka le a mawandamgbani ma Kawauwi.

<sup>16</sup> Adama a nala, ko uza u tonuko da baci kagbani a ili i'ya ya lya ko ya so kotsu i dambula wa. Kotsu i dambula ko ama a dansaka da baci an

i kpaḍai uyan icun i abiki dem ko kpm abiki a uwoto n savu wa, ko kpm ukpaḍa utono mele ma kain ka Ashibi.†

<sup>17</sup> Kpaci ili i nala yi gbā iryoci i ili i maci i'ya ya tuwā ya gitā i'ya. Kawauwi n kaci ka ne aya ili i maci yi.

<sup>18</sup> Ama a ḍa pini ushani aza ḍa a tsu yan ipeli a dana baci a'a n ukaṅa u kaci, shegai nala a'ari wa. A tsu gbashika tā atsumate a zuba. Kotsu i asaḳa ama a nala yi a yanka ḍa kadyanshi ka gbani wa. Icun i ama a nala yi a tsu dana tā gbā ili i'ya a wenei, kpm atakasuvu a le a ḍa bawu a'ari uwulukpi a ḍa a tsu zuwa le tā a yain agoni adama a uyawunsa u utengeshi u le.

<sup>19</sup> Ama a nala yi a buwa kpm upadari n Kawauwi kaci ka ikyamba wa. Kpaci tsa tā upadari kaḅolo n ikyamba i ne n akawa a ne, kpm tsa gbonguro tā koshi tsu tsara baci ilikulya n ucira u tsunu a asu u Kashila.

<sup>20</sup> I kuwā tā kaḅolo n Kawauwi, kpm u wauwa ḍa tā a ucira kau-kau u likimba u na. Niḍa ya lya kapala n utono u mele ma likimba na yavu aza a likimba a ḍa i'ari?

<sup>21</sup> Mele ma na ma dana tā, “Kotsu i kaṅa ili i na wa!” ko kpm “Kotsu i lyai ili i na wa!” ko gbam “Kotsu i sawa ili i na wa!”

<sup>22</sup> Mele ma na mi ma yan tā kadyanshi ka ili i'ya bawu ya ḅarakpa. A'ayin a ḍa baci tsu yain manyan n ili yi, aku i wacuwa. Nala dem wari n mele ma ama a yain.

<sup>23</sup> A tsu wene tā yavu mele mi mai ḍa mari, kpaci a tsu zuwa tā ama a matsa a zuwa Kashila ka pana kayanyan, ko kpm a wenike uvakunku u kaci u



kaḅan. Nala vi kaḅan ka, kpam dem a tsu zuwa tā ama a pana ikyamba a asu u umaṣā a zuwa Kashilā ka pana kayanyan. Shegai mele ma na mi ma tsu ḅaṅgā uza ḁa wa ciga u aṣakā uyawunsa u cingi n uciga u ili i cingi wa.

### 3

#### *Tyoku ḁa uza wa rongo uwulukpi*

<sup>1</sup> An u wokoi a 'yaṅasā ḁa a ukpā kaḅolo n Kawauwi, u kaṅā tā i zuwa atakasuvu a ḁe a ukuna u zuba, a asu u ḁa Kawauwi kari nā ndishi a ulyaki u Kashilā.

<sup>2</sup> Zuwai asuvu a ḁe a yawunsa u ili i zuba, shegai a ili i likimba wa.

<sup>3</sup> Yansai nala an i kuwai a'ayin a ḁa Kawauwi ka kuwai, kpam gogo-na Kawauwi ka foḅugo ḁa ḁe uma u mayun u ḁe n Kashilā.

<sup>4</sup> Kawauwi ka uma u mayun u ḁe, kpam an Kashilā ka wenike yi a likimba gbā, eḁā dem ya dusuku tā kaḅolo n eyi a tsupige tsu ne.

<sup>5</sup> U kaṅā tā i wuna ikuna i likimba i na i'a baci a asuvu a ikyamba i ḁe. I wuna tsishankala, ko uyan manyan ma tsishankala icun kau-kau. U kaṅā tā dem i wuna upana u maluwa ma icun i ili i nala yi. U gan tā dem i aṣakā upanasā icun i maluwa ma ili i cingi i nala yi. I takpa uciga u utsarā u ikebe ili i'ya i'ari ili i te n ulyaka ameli kayala.

<sup>6</sup> Upan u Kashilā wā tā a utuwā a asu u icun i ama ḁa a ka yansa ili i nala yi.

<sup>7</sup> Eḁā dem i'ari ya yansa tā nala caupa a'ayin a ḁa i'ari aza a likimba.

<sup>8</sup> Shegai gogo-na u kaṅā tā i aṣakā uyansa ili i nala yi a asuvu a ḁe. I aṣakā unamgbi u asuvu n

ibili. Kotsu i asaka dem uyansaka atoku tsicingi n kunangasu hal dem n kadyanshi ka gbani. Asakai utonusuko ama kadyanshi ka ka balale.

<sup>9</sup> Kotsu i yansaka kaci ka de kaban wa, an u wokoi i mondoi vuma u cau kpm n tyoku da i rongoi caupa.

<sup>10</sup> Gogo-na i uka de vuma u savu, kpm uza da u yain vuma u savu u nala vi wa rongo da ta unakasa ureve kpm u gonuko da tyoku da eyi vari.

<sup>11</sup> A uma u savu u na vi, u dambula ko avu uza u Yahuda u da ko Kawulawa wa. Kpm u dambula ko a kida vu kacombi ko a kida vu wa. U dambula dem ko kamoci ka baci vari, ko a kabon ka kaletsu ka uryagbaji ka vari wa. U dambula ko uza da wa gbasha ko uza da bawu wa gbasha wa. Ili i'ya i'ari n kalen i'ya Kawauwi, kpm wa ta a asuvu a tsunu gba.

<sup>12</sup> Adama a ili i nala yi, kpm n adama a da Kashila ka dangasa da i woko ama a ne kpm u gonuko da uwulukpi, n adama a da wa ciga da, kotsu i yain n asuvayali, n ubanga u atoku. Kpm i vakunku kaci ka de n ahankuri. Ili i na yi i'a ta tyoku u aminya a da i tsu uka.

<sup>13</sup> Kotsu i pana upan u atoku wa, kpm unyushi wa baci pini, kotsu i cimbusuka atoku. Asheku a cimbusuka da ta, adama a nala, nala dem ya cimbusuka atoku a de.

<sup>14</sup> Kunya ka ku lakai kalen ka ya uka, ka uciga. Uciga u bolomgbono tsu ta gba kpm u zuwa tsu tsu rongo kabolo mai.

<sup>15</sup> Asaka ndishi n shinga n Kawauwi n toni n ada. Yansai nala adama a da i'ari atoku a ikyamba i te

kpam Kashilā ka isa dā i rongo a asuvu a ndishi n shinga. Kpam i cikpa Kashilā maco.

<sup>16</sup> Asakai akani a Kawauwi a shamgba a atakasuvu a de ushani kpam a ka zuwa dā tā i yain n ugboji. Yankai akani a ne manyan i bangamgbana a asu u uwenishike kaci ka de kpam i naka le adooki. I rongo n ucikpa a asuvu a atakasuvu a de, i rongo n i shipi gba icun i ishipa i shinga ubana a asu u Kashilā.

<sup>17</sup> Ko ndya baci ya yan ko tani ya dana, yanyi i'ya a asuvu a kala ka Yesu Asheku. Kpam a'ayin a da ya yan ili i nala yi, i cikpi Kashilā maco a asu u ne ubana a asu u Kashilā Tata.

*Tyoku da uza wa rongo a kuwa ku ne*

<sup>18</sup> Aka, gorimukoi a'ali a de, kpaci dere da wari ya tono baci Asheku.

<sup>19</sup> A'ali, cigai aka a de kotsu i rongo n ele n asuvu a shen wa.

<sup>20</sup> Mmuku, gorimukoi isheku i de a ili dem, kpaci nala ya zuwa Asheku a pana kayanyan.

<sup>21</sup> Isheku, kotsu i matsa mmuku n de hal a kpa da utsara ugbama u asuvu wa.

<sup>22</sup> Agbashi, u kana ta i gorimuko azakuwa a de pini naha a likimba. I matsa i zuwa le a pana kayanyan. A'ayin a da baci i wenei a ka wundya da a da ya yan nala koshi wa. Yansai nala n atakasuvu a de gba maco a'ayin a da baci bawu a ka wundya da. Nala ya naka Asheku tsupige.

<sup>23-24</sup> Ya yanka ta Yesu Asheku manyan a'ayin gba. Vuma da ya yanka manyan wa. Asheku a da a ka naka da agadu a woko katsupi ka malen ma

manyan ma i yain. Adama a nala, yanyi manyan n ucira u de gba.

<sup>25</sup> Kpam i reve ta i yan baci ili i'ya bawu i gain, a ka tsupa da ta n ili i cingi i'ya i yain vi. Kpaci Kashila ka wenike kufyangi a asu u aza da a yain ili i cingi wa.

## 4

<sup>1</sup> Azakuwa, kiranai n agbashi a de, i bidya le una u te, an u wokoi i reve ta i'ari n Uzakuwa u de a zuba.

### *Yanyi kvasu*

<sup>2</sup> Rongoi uyansa kvasu n atakasuvu a de ufofusi kpam n ucikpa a atakasuvu a de.

<sup>3</sup> Yanyi kpam kvasu adama a tsunu. Yanyi dem kvasu tyoku da Kashila ka kukpa ure adama a akani a tsunu, tsara tsu tonuko ama ili i'ya i'ari usokongi i Kawauwi, ili i'ya i zuwai mari usiri n ikani da la vi.

<sup>4</sup> Yanyi kvasu tsara n dansa akani a na yi mai, tyoku da u gain.

<sup>5</sup> Rongoi n ugboji a'ayin a da baci i'ari kabolo n aza da bawu a'ari Atoni. Yanyi manyan n kabala ka i tsarai mai.

<sup>6</sup> Kadyanshi ka de ka woko ili i shinga kpam n maluwa ma upana, tyoku u kusan ka kari na mkpadi. Nala wa banga da ta i reve tyoku da ya wushunku uza da baci dem u yan da keci.

### *Idyani i makorishi*

<sup>7</sup> Tikiku wa tonuko da ta ukuna u va. Utoku u tsunu u da uza da tsa ciga. Kabangi ka ka maci uza da wa gbashika Asheku kabolo na mpa.

<sup>8</sup> N suku yi t̄a a nwalu n na mi tsar̄a u zuwa d̄a i reve tyoku d̄a tsa yansa kpam u gbamatangu d̄a.

<sup>9</sup> Mpa dem na ma suku Onisima. Eyi dem uza u maci u d̄a kpam utoku u d̄a n lakai uciga. Eyi dem uza u te u d̄a a asuvu a ama a d̄e. A ka tonuko d̄a t̄a gb̄a ili i'ya ya gitasa pini na.

<sup>10</sup> Aristaraku w̄a t̄a pini na a kuwa ku a'ali kaɓolo n̄a mpa. Wa danasa d̄a t̄a, nala dem Marku, uza d̄a akaya a ne a'ari a te n Baranaba. Tsu tonuko d̄a t̄a caupa i ryabusa Marku mai u tuwa baci.

<sup>11</sup> Joshuwa\* uza d̄a dem a tsu isa Yusutu wa sukunku d̄a t̄a idyani. Alya koshi Atoni a Yesu Asheku a asuvu a aza a Yahuda aza d̄a tsa yan manyan kaɓolo. A ka yan t̄a manyan n̄a mpa adama a tsugono tsu Kashila kpam alya a vakunku mu asuvu.

<sup>12</sup> Abafara vuma u ilyuci i d̄e d̄a, kpam kagbashi ka Yesu Kawauwi. Wa sukunku d̄a t̄a dem idyani. U tsu yansa ka d̄a t̄a kvasu kain dem. U folo t̄a Kashila ka zuwa d̄a i yain ugbami kpam kotsu i asaka upityanangu wa, kotsu i shamgba n ucira tyoku d̄a Kashila ka ciga.

<sup>13</sup> Ma dana t̄a u matsa t̄a cika adama a d̄e n adama a Atoni a d̄a a'ari a ilyuci i Lawudukiya n Hirafoli.

<sup>14</sup> Kaje ka maci ka tsunu kana ki ka aguma Luka wa sukunku d̄a t̄a dem idyani, nala dem Dima.

<sup>15</sup> Na kangi akani a idyani i tsunu a asu u atoku a d̄a a'ari a Lawudukiya, n uka u d̄a a ka isa Nimfa n gb̄a aza d̄a a tsu gawunsusa a kuwa ku ne.

---

\* **4:11** N Tsiyahuda kala ka “Joshuwa” ka “Yesu” n Tsiheline.

<sup>16</sup> A'ayin a ɗa baci i kotsoi uyan ka\_neshi u ukanikorongi u na vi, i na\_ka dem Atoni a ɗa a'ari a Lawudukiya tsara a yain dem ka\_neshi. Eɗa dem i yain ka\_neshi u ukanikorongi u ɗa n koronku le.

<sup>17</sup> Tonukoi Arikibu udyanshi u na, “Ma\_tsa vu kotso manyan ma Asheku a na\_ka vu.”

<sup>18</sup> Mpa Bulus uza ɗa u korongi idyani i na yi n kukere ku va.

Ci\_bai n ikani i va.

A\_saka ukuna u shinga u Kashila u toni n a\_da.

**Kazuwamgbani ka savu n Tsikimba n a6on a  
da a dangasai a kazuwamgbani ka cau  
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsikimba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

a4f6a28b-3d6d-50b4-a81b-06ae05a66010